

Frå ein av dugnadene i Takhagen




# Søknad til tilskot til lokale miljø- og klimatiltak

Bærekraftige liv på Nordnes



# Kven er Bærekraftige liv på Nordnes?



Bærekraftige liv på Nordnes vart starta i 2014, etter inspirasjon frå Bærekraftige liv på Landås. Sidan då har me arrangert ein rekke kurs og aktivitetar som har som mål å minska det økologiske fotavtrykket og auka livskvaliteten til oss som bur på Nordnes.

Døme på aktivitetar er

- Vegetarkurs
- byttfestar for t.d sportutstyr, kjøkenutstyr og leiker
- garasjesalg på Klosterplassen (for oss utan garasje)
- sykurs, der me syr våre egne posar
- samkøyringsverkstad (foredrag og praktisk rettleiing innan Carma-appen)
- neslesuppekurs (i takhagen)
- park(ing)day, i samarbeid med kommunen/fylkeskommunen
- fast hagedag i Takhagen der alle som vil kan komma og hjelpa til i hagen

Me ser ei positiv utvikling når det gjeld miljøengasjement i nabolaget og ynskjer å framleis leggja til rett for at det skal vera lett og gøy og ta dei rette vala!

## Økonomi

Reint økonomisk freistar me å gå i null, og har per i dag ingen eigen økonomi. Me meiner óg at aktivitetane våre skal vera for alle, og vel difor å gjera aktivitetane gratis, evt ha så låg eigenandel at dei fleiste har høve. Dette fører til at me ikkje har høve til å arrangera aktivitetar som kostar noko særleg, og er difor avhengig av støtte for å kunne gjennomføra aktivitetar der me t.d. leiger inn kurshaldarar.

Dette gjer òg at det er sær sarskeleg å kunne fylla ut eit budsjett. All vår «inntekt» er nemleg frivillege sin arbeidsinnsats og dugnadsglede.

Me har likevel freista å gjera eit forsøk og vonar de har høve til å støtta oss!

Beste helsing

Synnøve Misje og Elin Hestenes, på vegne av Bærekraftige liv på Nordnes



# Prosjektskildringar

Me søkjer støtte til tre ulike prosjekt:  
Bokashi-komposteringskurs, sykkelverkstad og utstyr til Takhagen.

## I. Bokashi-komposteringskurs



Frå [www.nordnesrepublikken.no](http://www.nordnesrepublikken.no)

Bokashi er ein komposteringsform som ein kan gjera innandørs og som gjer matavfall om til jord på så kort tid som to veker. Det einaste ein treng er lufttette bøtter og eit spesielt strø som inneheld effektive mikroorganismar. Komposten er luktfri og tiltrekk seg ikkje skadedyr, noko som gjer det perfekt for oss som bur i by og har liten eller ingen hage.

BIR har nyleg godkjend denne typen komposteringsforma, og dekkjer inntil 1000 kr til innkjøp av utstyr.

Me arrangerte eit kurs måndag 8. februar i år, og leigde inn Kristine I. Ullaland, ein zero-waste-blogger og ihuga bokashi-komposterar. Kurset var så populært at me til slutt måtte ha ventelister for å komma med.

Grunna den store interessa ynskjer me å arrangera eit kurs til. Denne gongen er ikkje Nordnes bydelshus ledig, og me er i kontakt med kommunen om høve til å leiga kantina i Bergen rådhus. Her har me ikkje fått endeleg svar, og veit difor ikkje kor mykje ei eventuell leige vil verta. Me må imidlertid forventa at den vert høgare.

Med ein eigenandel greidde me nesten å komma i mål økonomisk med det fyrste kurset. Me søker difor om støtte til kurs nummer 2, samt dekkje av restbeløp for kurs nummer 1.

<b>Kurs 8. februar</b>	
<b>Inntekter</b>	
Eigenandel for kursdeltakarar: 50 kr á 50 deltakarar	kr 2500
<b>Inntekter totalt</b>	<b>kr 2500</b>
<b>Utgifter</b>	
Honorar til kurshaldar	kr 2000
Leige av Nordnes bydelshus	kr 250
Dekkje av utgiftene til kurshaldar:	kr 750
<b>Utgifter totalt</b>	<b>kr 3000</b>
<b>Restbeløp me søker dekke av</b>	<b>kr 500</b>

<b>Kurs nummer 2, vår-16</b>	
<b>Forventa inntekter</b>	
Eigenandel for kursdeltakarar: 50 kr á 40 deltakarar	kr 2000
<b>Inntekter totalt</b>	<b>kr 2000</b>
<b>Utgifter</b>	
Honorar til kurshaldar	kr 2000
Leige av lokale	kr 1000
Dekkje av utgiftene til kurshaldar:	kr 750
<b>Utgifter totalt</b>	<b>kr 3750</b>
<b>Beløp me søker støtte til</b>	<b>kr 1750</b>



## 2. Utstyr til Takhagen

Takhagen ligg på taket av Nordneshallen. Dersom du er på Akvariet går du berre rett over gata frå hovudinngongen, og så er du der.

Takhagen er ein fellestage - alle kan vera med på luking og dyrking, og alle er velkomne til å ta turen innom og plukka det dei har lyst på.

Utgangspunktet var tre store dyrkekassar som Bergen kommune sette opp i 2004, samt nokre frukttre og bærbuskar som var forsømte. Planen var at kassane skulle bli nytta av Nordnes skole til ulike dyrkeprosjekt, men tida strakk ikkje til for dei tilsette.

Me i BL Nordnes snakka med Grønn etat og fekk jord og gjødsel, og opna Takhagen våren 2014. Kvar dugnad kjem store og små og hjelper til med planting og luking, og me har ein fast dag i veka der me treffest og ser kva som trengs å gjerast.

Me har eit godt samarbeid med Grønn etat og Nordneshallen, og hagen har blitt svært populær hjå nordnesbuarane.

Bergen kommune hjelper oss med jord og gjødsel, og me har fått pallekarmar av lokale entreprenørar. Nordneshallen har ei redskapsbod med ein del hageutstyr som me fritt får låna, samt at dei sørgjer for at vannkrana til ei kvar tid fungerer.



4. klasse-gutar haustar mandelpoteter

No er me klar for den 3. sesongen, mange er engasjerte og me ser behovet for meir utstyr.

# Takhagen

## Inntekter/ anna hjelp:

Nordneshallen stiller med verktøybod og ein del redskap

Bergen kommune ved Grønn Etat betaler jord, gjødsel og bærbuskar

Gratis pallekarmar frå lokale byggeprosjekt (t.d. Nøstet panorama)

## Me søkjer støtte om:

Nøkkelskap med kode til nøkkelen til redskapsboden  
(pris hentar frå Clas Ohlson)

kr 299

Hagehandskar til barn og vaksne:  
5 par til barn á kr 49 og 5 par til vaksne á kr 14,90 (pris henta hjå Biltema)

kr 320

Krokar til verkstedboden: 3 rekker á kr 199 (pris henta frå Clas Ohlson)

kr 597

Hagesaks (pris henta på Jula)

kr 249

Ulike typar frø: 10 pakkar á kr 35 + kr 50 i frakt (prisar frå [solhatt.no](http://solhatt.no))

kr 400

**Søknadssum:**

**kr 1865**



### 3. Sykkelverkstad og testing av el-syklar

Me vil invitera nordnesfolk (og andre som vil) til å komma med sykkelen og få den i stand til vår- og sumarsesongen. Me har kontakta Den Grønne Sykkel til å hjelpa dei som vil fiksa sykkelen. Dei har ein mobilt sykkelverkstad samt dyktige mekanikarar. Sykkeleigaren betaler sjølv for delane. I tillegg vil me ha demonstrasjon av el-syklar. Klosterplassen har fram til no vore parkeringsplass, men det har no vorte vedteke at plassen skal verta bilfri - til stor begeistring for dei aller fleste! Det er difor naturleg at verkstaden vil finna stad her, på vår nye samlingsstad.

<b>Sykkelverkstad</b>	
<b>Inntekt/anna støtte:</b>	
Frivillege til å hjelpa til under arrangementet	
Eigenbetaling av delar under sykkelreparasjon	
<b>Me søker støtte om:</b>	
Mobilt sykkelverkstad i 3 timar: kr 1000/ t	kr 3000
Ekstra mekanikar (anbefalt) i 3 timar: kr 750/t	kr 2250
<b>Søknadssum:</b>	<b>kr 5250</b>

# Søknadssummar

Bokashi-kurs nr 1	kr 500
Bokashi-kurs nr 2	kr 1750
Utstyr til Takhagen	kr 1865
Sykkelverkstad på Klosterplassen	kr 5250
<b>Samla søknadssum:</b>	<b>kr 9365</b>